

MIŠLJENJE

po zahtjevu privrednog subjekta „OKTAL PHARMA“ d.o.o. Sarajevo

**Sarajevo,
april, 2018. godine**

Broj: 01-26-7-004-4/18
Sarajevo, 04.04.2018. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji („Službeni glasnik BiH“, broj 48/05, 76/07 i 80/09), a po Zahtjevu za mišljenje privrednog subjekta „OKTAL PHARMA“ d.o.o. Sarajevo, ul. Pijačna 14 A, 71 000 Sarajevo, Bosna i Hercegovina, na 24. (dvadesetčetvrtoj) sjednici održanoj dana 04.04.2018. godine, donijelo je

MIŠLJENJE

Privredni subjekt „OKTAL PHARMA“ d.o.o. Sarajevo, ul. Pijačna 14 A, 71 000 Sarajevo, Bosna i Hercegovina (u daljem tekstu: OKTAL PHARMA ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), zaprimljen dana 12.03.2018. godine pod brojem: 01-26-7-004-1/18.

Zahtjevom se traži mišljenje da li postoji obaveza podnošenja prijave koncentracije kod pripajanja gospodarskog subjekta „VELFARM“ d.o.o. Gračanica, ul. Zlatnih ljiljana 77, 75 320 Gračanica (u daljem tekstu: VELFARM), privrednom subjektu OKTAL PHARMA, smislu člana 12. stav (1) tačka a) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon).

Konkurencijsko vijeće je aktom broj: 01-26-7-004-2/18 od dana 13.03.2018. godine, uputilo zahtjev za uplatu administrativne takse na osnovu člana 1. Tarifni broj 106. tačka a) Odluke o visini administrativnih taksi u vezi s procesnim radnjama pred Konkurencijskim vijećem („Službeni glasnik BiH“, br. 30/06 i 18/11).

Podnosilac zahtjeva je dopisom zaprimljenim pod brojem: 01-26-7-004-3/18 od dana 20.03.2018. godine obavijestio Konkurencijsko vijeće da je izvršilo uplatu administrativne takse, te ujedno dostavio dokaz o uplati iste.

Podnosilac Zahtjeva navodi slijedeće:

- privredni subjekt OKTAL PHARMA (MBS broj: 65-01-0212-13) ima osnovni kapital u iznosu od 1.955.830,00 KM koji je 100% vlasništvu privrednog subjekta „OKTAL PHARMA“ proizvodnja, trgovina i usluge d.o.o. Zagreb, Utinjska ulica broj 40, Republika Hrvatska (MBS broj: 080025214),

- privredni subjekt VELFARM (MBS broj: 1-8590) ima osnovni kapital u iznosu od 5.829.963,51 KM koji je 100% vlasništvu privrednog subjekta „OKTAL PHARMA“ proizvodnja, trgovina i usluge d.o.o. Zagreb, Utinjska ulica broj 40, Republika Hrvatska (u daljem tekstu: OKTAL PHARMA Zagreb),

- osnovna registrovana djelatnost privrednih subjekata OKTAL PHARMA i VELFARM je trgovina farmaceutskim proizvodima na veliko (šifra 46.46),

- privredni subjekti OKTAL PHARMA i VELFARM nisu ostvarili prihod od prodaje roba i/ili usluga na svjetskom tržištu u godini koja je prethodila planiranom pripajanju,

- ukupni godišnji prihod privrednog subjekta OKTAL PHARMA prema završnom računu u 2017. godini na tržištu Bosne i Hercegovine je iznosio 19.948.506,16 KM,

- ukupni godišnji prihod privrednog subjekta VELFARM prema završnom računu u 2017. godini na tržištu Bosne i Hercegovine je iznosio 26.199.641,95 KM,

- ukupni godišnji prihod u 2017. godini koji je privredni subjekt OKTAL PHARMA ostvario međusobnom razmjenom roba i usluga sa privrednim subjektom VEFARM iznosio je 762.507,28 KM,
- ukupni godišnji prihod u 2017. godini koji je privredni subjekt VELFARM ostvario međusobnom razmjenom roba i usluga sa privrednim subjektom OKTAL PHARMA je iznosio 3.966.173,96 KM,
- relevantno tržište predmetnog pripajanja je tržište trgovine farmaceutskim proizvodima na veliko u Bosni i Hercegovini,
- privredni subjekti OKTAL PHARMA i VELFARM prema procjeni, imaju zajednički tržišni udio na tržištu trgovine farmaceutskim proizvodima na veliko u Bosni i Hercegovini manji od 5% (Izvor: Agencija za lijekove i medicinska sredstva Bosne i Hercegovine),
- statusna promjena pripajanja pomenutih privrednih subjekata, nema za posljedicu sprječavanje, ograničavanje ili narušavanje tržišne konkurencije na relevantnom tržištu, već ima za cilj tržišnu efikasnost uslijed koncentracije znanja, smanjenja dvostrukih funkcija i snažnijeg nastupa na tržištu.

Konkurencijsko vijeće kao bitne za odgovor na Zahtjev ističe odredbe člana 12. stav (1) i stav (2) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon), koje glase:

„ (1) Koncentracijom u smislu ovog Zakona smatra se:

- a) spajanje ili pripajanje nezavisnih privrednih subjekata ili dijelova privrednih subjekta.
- b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 1. sticanjem kupovinom većine dionica ili udjela osnovnog kapitala; ili
 2. sticanje većine prava glasa; ili
 3. na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

(2) sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojim jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Članom 14. stav (1) Zakona, propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Na osnovu podataka navedenih u Zahtjevu, Konkurencijsko vijeće smatra da nije ispunjen uslov iz člana 12. stav (1) pod a) Zakona, jer privredni subjekti OKTAL PHARMA i VELFARM nisu nezavisni, nego su povezana duštva u 100% vlasništvu privrednog subjekta OKTAL PHARMA Zagreb. Obzirom da nisu ispunjeni uslovi u smislu člana 12. stav (1) pod a) i člana 14. stav (1) Zakona, ne postoji obaveza podnošenja prijave koncentracije.

Ovo mišljenje je dato isključivo na osnovu podataka dostavljenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Ivo Jerkić

Dostaviti:

- privrednom subjektu OKTAL PHARMA d.o.o. Sarajevo, ul. Pijačna 14 A, 71 000 Sarajevo i
- a/a.